

919

UGOVOR O JAVNOJ NABAVCI USLUGE **Čišćenje snijega u krugu Kampusa UNSA**

Zaključen između Ugovornih strana:

1. UNIVERZITET U SARAJEVU, Obala Kulina bana 7/II, 71000 Sarajevo, koga zastupa rektor prof. dr. Rifat Škrijelj (u daljem tekstu: Ugovorni organ)

ID broj: 4200494560007 i

2. KJKP "RAD" d.o.o. Sarajevo, Paromlinska 57, koga zastupa direktor Selim Babić (u daljem tekstu: Izvršilac usluge)

ID broj: 4200316890001

TRN: 3389002208077649 otvoren kod UniCredit bank d.d. Sarajevo

Ovaj ugovor se zaključuje na osnovu Odluke Ugovornog organa o odobravanju pokretanja postupka javne nabavke broj: 0101-6284-1/18 od 06.11.2018. godine i Odluke Ugovornog organa o prihvatanju ponude i dodjeli ugovora broj: 0101-6284-3/18 od 14.11.2018. godine, koja je donesena nakon provedenog postupka DIREKTNOG SPORAZUMA.

I-PREDMET UGOVORA

Član 1.

Predmet ovog Ugovora je Usluga – **Usluga čišćenja snijega u krugu Kampusa Univerziteta u Sarajevu** za potrebe i po zahtjevu Ugovornog organa.

Izvršilac usluge se obavezuje da u skladu Ponudom Izvršioca usluge i pozitivnim propisima koji uređuju predmetnu oblast, izvršiti predmetnu uslugu.

II-VRIJEDNOST UGOVORA

Član 2.

Ukupna vrijednost usluge koja je predmet ovog Ugovora iznosi:

4.410,00 KM bez PDV-a,

(slovima: četirihiljadečetiristodeset KM i 00/100), što sa uračunatim PDV-om iznosi:

5.159,70 KM sa PDV-om

(slovima: pethiljadastotinupedesetdevet KM i 70/100).

Cijene predmetnih usluga iz Ponude Izvršioca usluge usluge su nepromjenjive za vrijeme trajanja ovog Ugovora.

Izvršilac usluge je dužan pridržavati se jediničnih cijena iz Ponude.

III-ROK PLAĆANJA

Član 3.

Ugovorne strane su saglasne da će Ugovorni organ izvršiti plaćanje izvršene usluge u roku od (30) trideset dana od dana dostavljanja potpisane i ovjerene fakture od strane Izvršioca usluge.

Faktura se dostavlja na adresu Ugovornog organa, Obala Kulina bana 7/II, 71000 Sarajevo, (Pisarnica).

Plaćanje se vrši na transakcijski račun Izvršioca usluge.

IV-MJESTO IZVRŠENJA USLUGE

Član 4.

Izvršilac usluge se obavezuje da će mjesto izvršenja usluge koja je predmet ovog Ugovora Kampus Univerziteta u Sarajevu i to:

- Parking površine, betonske plohe, trotoari, glavni i pristupni putevi prema organizacionim jedinicama i platoima koji se koriste za parkiranje vozila

V-NAČIN I ROK IZVRŠENJA USLUGE

Član 5.

Izvršilac usluge se obavezuje da izvršenje predmetne usluge vrši na lokaciji Kampusu Univerziteta u Sarajevu u jutarnjim i večernjim satima, te po potrebi, ovisno o vremenskim prilikama.

Rok izvršenja predmetne usluge je maksimalno (2) dva dana od dana prijema narudžbenice Ugovornog organa.

VI-OBAVEZE I ODGOVORNOST IZVRŠIOCA USLUGE

Član 6.

Izvršilac usluge se obavezuje da:

- izvrši predmetnu uslugu koja odgovara zahtjevima i kvalitetu utvrđenom u Ponudi.
- izvršiti uslugu na mjestu i u roku utvrđenom ovim Ugovorom, bez ikakvih dodatnih troškova izvršenja za Ugovorni organ;
- Uslugu čišćenja obavlja u večernjim i ranim jutarnjim satima te prema potrebi u toku dana u Kampusu Univerziteta u Sarajevu na dogovorenim pristupnim putevima prema Organizacionim jedinicama i platoima koji se koriste za parkiranje vozila.
- Izvršilac usluge u toku zimske sezone izlazi na teren po pozivu Ugovornog organa, dok će se uspostavljanje naloga za izvršenu uslugu vršiti po učinku.
- riješi eventualne reklamacije Ugovornog organa konstatovane od ovlaštene osobe Ugovornog organa;
- ispostavi fakturu za izvršenu uslugu.

Izvršilac usluge odgovara za kvalitet izvršene usluge, saglasno propisima i standardima koji regulišu predmetnu oblast.

VII-OBAVEZE UGOVORNOG ORGANA

Član 7.

Ugovorni organ se obavezuje da:

- izvrši kvalitativni i kvantitativni pregled izvršene usluge;
- izvrši uredno plaćanje ispostavljene fakture u skladu sa članom 3. ovog Ugovora.
- odredi Izvršiocu usluge termin za izvršenje predmetne usluge.

VIII-TRAJANJE UGOVORA

Član 8.

Ovaj ugovor se zaključuje do okončanja izvršenja usluge, a počinje teži od dana obostranog potpisivanja ovog Ugovora.

IX-PRAĆENJE IZVRŠENJA UGOVORA

Član 9.

Izvršilac usluge se obavezuje da izvrši uslugu ugovorenih karakteristika i kvaliteta.

Kvalitativno i kvantitativnu kontrolu izvršenja usluge, vrše predstavnik Izvršioca usluge i predstavnik Ugovornog organa.

U slučaju da predstavnik Ugovornog organa, prilikom izvršenja usluge, konstatuje da izvršena usluga nije u skladu sa Ponudom ili da usluga ima nedostatke (u kvalitetu), predstavnik Ugovornog organa je dužan da odbije prijem takve usluge, te sačini Zapisnik o reklamaciji, koji potpisuju predstavnik Izvršioca usluge i predstavnik Ugovornog organa. U slučaju reklamacije, Izvršilac usluge je dužan da, o svom trošku, u roku od 3 (tri) dana, od dana sačinjavanja Zapisnika o reklamaciji izvrši novu uslugu odgovarajućeg kvaliteta, a ukoliko to ne učini, Ugovorni organ ima pravo na jednostrani raskid ovog Ugovora i naknadu štete.

Smatra se da je Izvršilac usluge izvršio uslugu, danom potpisivanja Zapisnika od strane predstavnika ugovornih strana.

X-RASKID UGOVORA

Član 10.

Ugovorni organ ima pravo jednostranog raskida ovog Ugovora i zadržati pravo na naknadu prouzrokovane štete, ukoliko se Izvršilac usluge se ne pridržava odredaba ovog Ugovora u cijelosti ili djelimično, kao i u slijedećim slučajevima:

1. ukoliko Izvršilac usluge kasni sa vršenjem usluge;
2. ako kvalitet usluge ne odgovara ugovorenom;
3. ukoliko Izvršilac usluge ne izvrši uslugu bez nedostataka, nakon primjedbe predstavnika Ugovornog organa;
4. ako Izvršilac usluge iz bilo kojeg razloga izuzev više sile, dođe u situaciju da ne može izvršiti uslugu.

Otkazni rok iznosi (7) sedam dana i počinje teći od dana kada Pružalac usluge primi obavijest o raskidu ugovora od strane Kupca.

XI-ZAVRŠNE ODREDBE

Član 11.

U skladu sa članom 72. stav (6) Zakona o javnim nabavkama BiH, Izvršilac usluge nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 12.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

Član 13.

Sve izmjene i dopune ovog Ugovora mogu se vršiti samo uz postignutu pismenu saglasnost Ugovornih strana. Bilo kakvi usmeni dogovori predstavnika Ugovornih strana neće imati pravni značaj.

Član 14.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

Član 15.

Ovaj Ugovor stupa na snagu kada ga potpišu i ovjere ovlaštene predstavnici Ugovornih strana. Datum kasnijeg potpisivanja ovog Ugovora, smatra se datumom stupanja na snagu ovog Ugovora.

Član 16.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA UGOVORNI ORGAN

Rektor

Prof. dr. Rifat Škrijelj



Broj: 0101-6284-4/18

Datum, _____.

ZA IZVRŠIOCA USLUGE

Direktor

Selim Babić dipl.ing.građ



Broj: 05-02-04-19746/R

Datum: 22-11-2018.

